



PERDANA Menteri, Datuk Seri Dr. Mahathir Mohamad meletakkan kalungan bunga di Tugu Peringatan Negara, Kuala Lumpur, semalam, sempena Hari Pahlawan. — Gambar BH.

Hari Pahlawan disambut di seluruh negara

KUALA LUMPUR, Jumaat — Hari Pahlawan kali ini disambut dengan berbagai acara peringkat kebangsaan dan negeri.

Di peringkat kebangsaan, upacara meletakkan kalungan bunga sebagai peringatan perajurit-perajurit negara yang terkorban diadakan di Tugu Peringatan Negara hari ini.

Upacara itu diadailah oleh Seri Paduka Baginda Yang di-Pertuan Agong dan diikuti oleh Perdana Menteri, Datuk Seri Dr. Mahathir Mohamad.

Di Pulau Pinang, Yang di-Pertua Negeri, Datuk Dr. Awang Hassan mendahului pembesar negeri meletakkan kalungan bunga di tugu peringatan di situ. Ketua Menteri, Dr.

Lim Chong Eu, Ketua Polis Negeri, Haji Mohamed Zaman Khan, Timbalan Panglima Briged Keenam, Kolonel Abdul Rahman Haji Mat Said dan wakil-wakil Persatuan Bekas Perajurit dan Polis turut meletakkan kalungan bunga.

Di Johor, Menteri Besar, Tan Sri Haji Othman Saat pula mengetuai istiadat yang sama di Tugu Peringatan di Johor Bahru.

Satu majlis tahlil juga diadakan di kediaman rasmi Menteri Besar di Saujana petang semalam.

Di Ipoh, Raja Muda Perak mewakili Sultan Perak meletakkan kalungan bunga di Tugu Peringatan di Ipoh bagi peringkat Negeri Perak.

Baginda juga menyampaikan bantuan kewangan berjumlah \$20,000 kepada 22 orang keluarga perajurit yang terkorban.

Di Kangar, Raja Polis, Pemangku Menteri Besar, Haji Ali Ahmad dan ahli-ahli Dewan Undangan Negeri menghadiri satu perbarisan oleh anggota Polis, Tentera dan Badan Sukarela di Stadium Datuk Sheikh Ahmad.

Di Seremban pula, Yang di-Pertua Besar Negeri Sembilan mengetuai para pembesar Negeri di upacara meletakkan kalungan bunga di Tugu Peringatan.